

محل مطبعه و اداره :

جفال اوغلانده امنيت

صندوغی جوارنده

شنکول يقوشنده

۲۵ نومبر

مشرق و غرب

اضطار :

مسلكمزه موافق آ ناز

جدیه مع الممنونیه

قبول اولنور

درج ایدلمه یی آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، احوال و شئون اسلامیه بحث ایراد و هفتده بر نشر اولنور .

آبونه بدلی

صاحب و مؤسسلری :

سنه لکی

التی آیلانی

ابوالعلا زین العابدین - ح . اشرف ادیب

تاریخ تأسیسی

غروش

۳۵

۶۵

ممالک عثمانیه ایچون

روبله

۳۰۵

۶۰۵

روسیه

فرالقی

۹

۱۷

سائر ممالک اجنبیه

۱۰ تموز ۳۲۴

در سعادتده نسخہ سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

بشنجی جلد

۱۱ محرم پنجشنبه ۳۰ کانون اول ۳۲۶

عدد : ۱۲۳

دینہ رک صورتی او ثابت جوجہ :

« جواب ویردی باقک یاوروجہ »

« قاجایہ چونکہ بہانہ معدوم ،

سز عدل صاحبی ، بنسہ معصوم . »

ظاهر المولوی

نجف مجتہدین کرامنک مهم بر فتوائی مناسبتیلہ

نجف اشرف ہیئت عالمیہ سی و مجتہدان عظامی حضراتی طرفندن صورت فوق العادہ اولہرق ایران مات اسلامیہ سنہ خطابا بر فتوا « نجف » غزنیہ سی واسطہ سیلہ نشر اولومش وتلغرافلہ طهران شورای ملیہ سنہ بیلدیرامشدر .

اشبو فتوائک صورتی بروجہ آتیدر :

۱- امرا و سرداران عظام ورؤسای عشایر و بالعموم طبقات مات اسلامیہ ایرانیہ بہ سلام وافر مخصوصہ سی تقدیم ایدرز .

۲- مملکتک اغتشاشات داخلہ سی بہانہ ایدہ رک جنوب و شمالدن استقلال ایرانک محوینہ اساس اسلامیتک ہدمنہ طوغری کلکدہ اولان دین اسلام دشمنارینک ید شرنندن ممالک اسلامیہ یی تخلص وعبدہ صلیک ہر درلو تشبثاتی عقیم براقق قاطبہ مسامین و متدینینک ، اہل قبلہ و توحیدک فریضہ ذمتیدر .

۳- اغتشاشات داخلہ نک دوام وبقای مفسد دینیہ اولوب استیلاء کفری و ذہاب بیضہ اسلامیہ یی موجبدر .

۴- بناءً علیہ اصحاب شریعت مطہرہ و بالعموم طبقات مات ممالک اسلامیہ یی اجانب کفارک ہر درلو تشبثاتندن تخلص ایتک چارہ لرینہ باقہرق دولتک اوامرینہ توفیق حرکت ایتسونار .

۵- اسلامیتک محوینی موجب اولہ حق ، بدنامی ولعن ابدی یی استلزام ایدہ جک اولان بالعموم نفاق و شقاق و اغراض شخصینیہ و غوغای داخلہ یی براقہرق چارہ نجات اسلامی باقسونار ، انشاہ تعالی . والسلام علیکم ورحمۃ و برکاتہ

عبدہ الزندران

محمد کاظم الخراسانی

اشبو فتوا مجلس مذکور واسطہ سیلہ علاقہ دارانہ و لازم کلن یرلہ تبلیغ اولنمشدر . صـ وک کلن ایران جریدہ لرندن آکلاشیلیغہ کورہ بو فتوا کرک طبقات ملتہ و کرک مطبوعات محلہ ییہ عمیق بر تأثیر اجرا ایتمشدر . عالم اسلامک جکر کاہنہ طوغرو هجوم ایتمکدہ بولنانلرہ قارشو ایراندہ بولنان دین قرداشلریمزک قلوبندہ فتوای مذکور پک بیوک تأثیر اجرا ایتمش و عمیق بر حس نفرت اویندیرمشدر . بو ہفتہ آژانسار واسطہ سیلہ طهراندن کلن تلغرافلرہ بو حس نفرتک تراید ایتمکدہ اولدینقی تأیید ایدیور .

اسلامیت و عالم اسلام ایچون پک بیوک خدمتار کوسترین اعظمتک مہد و مزاری اولان مقدس بر وطن ارتق عالم اسلامہ الوداع ایتمکدہ در . آسیا قطعہ جسیہ مندہ ظہور

ایدن و اوقطعہ مبارک یی ضبط و تسخیر ایدن اسلامیت بو کون بر قطعہ مہمہ سی غائب ایتک اوزرہ بولنیور .

کائناتدہ ہر شئییک بر مبداء و نہایتی بولندینقی لی عالم اسلامک تحمل و صبرینک دہ بر نہایتی واردر . صبر و سیکون آرتق حدینی بولمشدر . بو ظلملرہ ، بو تعدیلرہ ، بو حقسنزلقرہ نہ وقتہ قدر تحمل ایدہ جکر ؟ دوشونمی کہ اسلامک وطنی نرم لری ایدی . پورتیکین مملکتندن فیلیپن جزایرینہ قدر چاد کولندن اورال طاعلرینہ قدر اولان ممالک وسیعہ بزم و طمنز ایدی . بز آنک صاحبی و حکمرانی ایدک . ایستہ بونجہ ممالک وسیعہ ہب صبر و سکون ایلہ کیتمشدر . بوکون دہ مہم بر پارچہ سی ہان « الفراق ، ای عالم اسلام ! ، دیمک اوزرہ در .

عالم اسلامیت بو ممالک وسیعہ نک برر برر کیتمہ سیلہ یالکیز اقسام و طنندن جدا اولمامشدر ، بعض ممالک دہ یالکیز حقوق حکمرانینندن محروم ایدیلہ ، مشدر . بلکہ وطنی ، ممالکی رقبیلرک ، دشمنلرک الہ کیتمککہ عزتی ، شرفی حریتی خلاصہ بتون فضائل و کمالات اسلامیہ و انسانیہ سی ضایع ایتمشدر . اسلام دشمنلرینک اسیری و خدمہ سی اولہرق قلمشدر . بر قاج دوزینہ اوروپالینک سفاہتی ، عشرتی تأمین ایدہ جک بر آلت ارلہرق قلمشدر . ہانکی قانون مدنیت ، ہانکی وجدان انسانیت قبول ایدر کہ او تو ز میلیونلق برکنلہ انسانہ بر قاج فلمنکینک استراحتی تأمین ایتک ایچون او قیمتدار بجاواسنی ، بتون معادن و مجوہراتی حاوی اولمق اوزرہ ترک ایتسون . اوزرندہ دہ ہیچ بر وجدانک قبول ایدہ میہ جکی قوانین غیر بشروعہ نک تحت تأثیرندہ ازیلارک ہیئت ظالمہ نک کف و صفاسنی تأمین ایدہ جک خدمات شاقہ دہ بولندون .

آرتق دنیا دہ ظلمک ، حقسنزلک بودرچہ سی دہ کورولمہ مشدر . تاریخ مالی آراشدیراسون ، تتبع ایداسون ، خلقت کائناتندن بو آنہ دکن ہیچ بر مات بودرچہ دہ ظلم کورہش میدر ؟ بودرچہ دہ حقسنزلغہ دوچار اولمش میدر ؟

بوکون اوچیوز ملیون کتہ اسلامیانک ایکی یوزالی ملیونی اوروپا سفہاسنک تحت نظام و تحکمنہ در . بونجہ دین قرداشلریمزک ہپسی ، اوت ہپسی انواع ظلم و جفالتک ، رنگارنگ تحکمرک آلتندہ یوارلانوب کیتمکدہ در .

بالعموم بز معاشر اسلام بیلعلی و آکلامی یزکہ اوروپادہ حقوق مالی و قوانین ، شروعہ یوقدر . ہپ کوز بویاسی اولان خیال و مصالحلردن عبارتدر ؛ حریت ، مساوات ، انسانیت دہ یوقدر . ملل سائرہ و بالخاصہ بز اسلاملر ہر شیدن اوت ہر شیدن محرومز ، اسیرز . بوکون یالکیز بر آلت سفاهت اولہرق قلمشز اگر ، حقوق ، حریت ، مساوات عمومہ دیدکری شیلر اولسہ ایدی ، بوکون اوروپا ہیئت دولیہ سنک زیر تحکمنہ از یلمکدہ اولان ایکی یوز الی ملیون کتہ اسلامیہ دن اوروپانک مختلف پارلاـ منتولرندہ بش بیک قدر اسلام مبعوثنک بولنسی لازم کلیردی . بوکون بانی حریت و مؤسس مشروطیت نامنی طاشیان بردولتک یوز قرق ملیون تبعہ اسلامیہ سنندن قاج دانہ میعوثی واردر ؟

بدیه می‌توانند که بر قوم، بر ملت ماضی‌سنی، حالی، استقبالی نظر اعتباره آله‌رق دوشو و نمزسه محو و مضامحل اولور بتون آور و پاملل حاکم‌سی بونی اعلان ایدوب طور مقده درلر، بواساس اوزرینه حکومستلرک قمارری قورولش، بونکچسون، مشروطیت میدانه چیقه‌شدن. بو، بویه بر قاعده مطرده ایکن نه‌دن ملت اسلامیه بوندن. بو قاعده‌دن مستثنا طوتولی در؟ نه‌دن اولرک طوپلانونب استقبالی رینی دوشو نمزلی، حسب حال ایتلری اوروبالیلری بوقدر قورقوتیور؛ در حال اسلامیت علیه قوای جبریّه استعمالنه قدر واریورلر؛ بتون عالم نصرانیته «پانیسلا میزم» دهشتی باصیور. ملت اسلامیه تقریبندن حسب حالندن بوقدر تلاش کوسترمک و بونک وجود پذیر اولمه‌سنه بوقدر چالیشمق ملت اسلامیه نیک محوینی ایسته‌مک دیمکدر. چونکه بر ملت حیات اجتماعیه‌سنی، آتینسی مشورت ایتدکجه، دوشو نمزکجه تفکر ایتدکجه محو و نابود اوله‌جفی شبهه‌سزدر.

حالبوکه مشورت، جمعیت و اخوت اس‌الاساس اسلامیتدندر. اون درت عصر مقدم مسلمانلره بو تعلیم اولمشدر. مسلمانلر بونکله مأمور اولمشدر. احکام اسلامیه بونک اوزرینه مؤسسر. فرائض دینی‌دن حج، صلات بونکله قائمدر. بوکا تعرض ایتک دین اسلامه تعرض ایتک دیمکدر. دینمزی، اسلامیتمزی، عادتمزی، اخلاق ملیه‌مزی هر درلو تعرضاتدن مصون بولندرمق ایچون بز مطلقاً اجتماعلره، مشورتلر محتاجز. چونکه هیچ بر مات بزم کی متفرق بر حاله قالمشدر. بزم کی معظم اولدینی حاله بزم قدریکدیگرندن متجزی بر ملت تصور ایدیله‌مز. عاداتا هر فردا سلامی بالکنر شخصیه قائم اوله‌رق قالمشدر. بوکون بر فاسلینک بر جزایر لیدن، بر جزائر لینگ بر مصریدن بر مصرینک بر آناتولولیدن، بر آناتولولینگ بر ایرانلیدن، بر ایرانلینگ بر افغانلیدن، بر افغانلینگ بر بخارالیدن، بر بخارالینگ بر هندلیدن، بر هندلینگ بر جزایر ماورای هندیده بولنان اسلامک حیات ملیه و اجتماعیه‌سندن قطعاً خبری یوقدر. خالقمزک، پیغمبریمزک، دینمزک بوکا قطعاً مساعده‌سی یوقدر. بواحوال اسف اشکالز تعلیمات اسلامیه و قرآنییه‌بتون بتونه مخالفدر. امتک پریشانلنی اضحاحلالنی مستلزمدر. ایسته بونقطه نظرلر دن مجتهدین محترمه‌نک فتوایی ایرانلی قردادلریمز ایچون شایان استالدر.

نور علی زاده

غیاث‌الدین حسنی

بخارا احوالی

بخارا امیری مضر تبریک وفاتی. - کانون اول رومینک ۲۳ نجی نجشنبه کونی بخارا امیری عبدالاحد بهادر خان حضرتلری ارتحال دار بقا ایله‌شدن. رحمة الله علیه. مشار الیه حضرتلری، الیوم یک اندر قالان اسلام تاجدارلرندن ایدی. غیوبت ابدیه‌سندن متأثر اولمش اولانلری تعزیه ایلرز.

مرحومک ترجمه حال مختصری بزوجه آتیدر:

امیر عبدالاحد خان منغیت سلاله‌سنگ بشنجی حکمداری اولوب ۱۸۵۹ سنه میلادیه‌سنده تولد ایتمشدر. پدری مظفرالدین خانک یرینه ۱۸۸۵ سنه‌سی تشرین ثانی‌سنده بخارا امیری اولدی. کندینسی مظفر خانک کوچوک اوغلی ایسده بیوک برادری عبدالملک خان پدری زماننده اعلان عصیان ایتمش اولدیفندن عبدالاحد خان ولی عهد سلطنت تعیین ایدیلمش. و پدرینی استخلاف ایلمشدر. روسیه دولتی ده‌ها مظفرالدین خان زماننده بخارایی استیلا ایله تحت حمایتنه آلمش بولنیوری. بناء علیه عبدالاحد خان تام مستقل بر حکمدار دکلدی. خالق تخته حق وراثت ایله برابر روسیه امپراطوری طرفندن تصدیق ایدیلمک صورتیه جالس اولمشدر. عبدالاحد خان زمان امارتنده، ترسبورغه دائم مطیع و صادق قالدی. و روسیه‌حمایه و وصایتی الفاظمننده هیچ بر تشبیه بولمادی. و ذاتاً بولنسه‌ده بر ثمره اقتطاف ایده‌میه‌جکی محققدی. عبدالاحد خان مملکتی امور مدنیه‌سنه بر آز خدمت ایده بیلمشدر: روسیه تاقیناتیه اسارتی الفا ایتمش واشکنجه‌لی اعداملری و تحت الارش حسب‌خانلری قالدیرمشدر. بخارای شریفده بر عدد منتظمه‌ج بر مکتب کشاد ایتمشدر. و برکولرک جابیتی آز چوق اصلاحه موفق اولمشدر. زماننده بخارا، تجارتجه خیلی ترقی ایتمشدر: اگر عبدالاحد خان ایستیه بیلمه ایدی، محیطی ده‌ها چوق خدمات نافه‌ده بولنسه‌مه مساعد ایدی. عبدالاحد خان، آسیانک اک بویوک زنکینلرندندی، بخارا تجارتک بر قسم عظیمی النده جمع ایتمشدی. ثروتندن دین قاردشیرینی اپی استفاده ایتدیرمشدر. ترسبورغه‌الیوم انشا ایدلمکده اولان جامع شریفه اوچوز بیک روبلا صرفیه اراضی مایعه‌ایتدکی کی انشایی مصارفه‌ده بشیوز بیک روبله ایله اشتراک ایله‌مشدر. حجاز تیمور یولنه یکریمی اوچ میلیون غروش هدیه ایتمش ایدی. ثروتندن متبوعی روسیه‌یه دخی فائده طوقومشدر. روسیه - ژاپونیا محاربه‌سی هنکامنده، روس دونمائه بر بوجوق میلیون روبله امانه ایتدیک کی تبرعات سائرده‌ده بولومشدر. عبدالاحد خان روسیه‌نک قزاق اردوشنده برنجی فریق رتبه‌سنی حائز ایدی.

بخارا امیر میری - مرحوم عبدالاحد خانک یرینه بویوک خدمتی میرعالم جان‌کوره امیر عالم خان عنوانیه بخارا تخته جالس اولمشدر. ۲۶ کانون اول تاریخیه بخارادن کشیده اولمش بر تلغرافنامه‌الله نظرأ امیرعالم خانه بیعت مراسمی، بخارا اهالیسنگ سرور و جدینی استزام ایله‌مش و غایت شعله‌لی کچمشدر.

جناب حق امیر جدیدی موفق بالخیر ایلسون، آمین. بخارا امیرینک وفاتی اوزرینه جیفانه شایعات. - بخارا امیرینک وفاتی اوزرینه روجه تاخیدر و موس غزته‌سی در حال روسیه حکومستک بخارا نیم استقلالنی لغو ایله بخارایی ضمیمه ممالک ایتدیکنی خبر ویرمش ایدیسه‌ده، بوتون عالم اسلامک تأثر و تأسفی موجب بو خبر، حمداً لله تأید ایتدیمشدی. صوک کونلرده عین خبرک بردها شیوعنی کمال